



ՍՈՒՐՔ ՖԱԿՈՐ

ԱՌԱՋՆՈՐԴԱՆԻՍ ՄԱՅՐ ԿԵՂԵՅԻ

Երպրորդ Ծաղկաշարի
02 ՅՈՒՆԻՍ 2019

Կիրակնօրեայ Ընթերցումներ	Էջ 1
Ողորմութեան Կանչ մը (8)	Էջ 3
Ծանուցումներ	Էջ 3

ԸՆԹԵՐՑՈՒՄ «ԱՌԱՔԵԱԼՆԵՐՈՒՆ ԳՈՐԾԵՐԸ» ԳԻՐՔԷՆ (23.12-35)

Յաջորդ առաւօտ կարգ մը հրեաներ իրարու քով եկան եւ իրենք զիրենք նզովքի տակ դնելով երգում ըրին չուտել ու չխմել՝ մինչեւ չսպաննեն Պօղոսը: Քառասուն հոգիէն աւելի էին այս երգումը ընողները: Ասոնք մօտեցան քահանայապետներուն եւ երէցներուն եւ ըսին. «Մենք նզովքի տակ դնելով մենք մեզ երգում ըրինք բան չճաշակել, մինչեւ Պօղոսը չսպաննենք: Դուք ատեանին անունով հազարապետին լուր ղրկեցէք որ զայն ձեզի ղրկէ, պատճառաբանելով թէ կ'ուզէք իր մասին աւելի ստոյգ տեղեկութիւն ունենալ: Իսկ մենք պատրաստ կ'ըլլանք արդէն եւ տակաւին հոս չհասած՝ կը սպաննենք զինք»:

Պօղոսի քեռորդին այս դաւադրութիւնը իմանալով, եկաւ զօրանոց եւ Պօղոսին պատմեց: Պօղոս հարիւրապետներէն մէկը կանչելով ըսաւ. «Այս պատանին հազարապետին տար, որովհետեւ իրեն ըսելիք մը ունի»: Հազարապետը պատանին ձեռքէն բռնելով մէկ կողմ տարաւ եւ հարցուց. «Ի՞նչ ունիս ըսելիք»: Պատանին ըսաւ. «Հրեաներ համաձայնեցան քեզմէ խնդրել որ վաղը Պօղոսը Ատեան ղրկես, որպէս թէ աւելի մանրակրկիտ հարցովործելու համար զայն: Բայց մտիկ մի՛ ըներ իրենց. որովհետեւ իրենց մէջէն քառասունէ աւելի մարդիկ իրենք զիրենք նզովքի տակ դնելով երգում ըրած են չուտել ու չխմել՝ մինչեւ չսպաննեն զայն. եւ հիմա դարան մտած ու պատրաստ՝ կը սպասեն քու հրամանիդ»:

Հազարապետը պատանին ճամբեց,

պատուիրելով. «Ոեւէ մէկու մի՛ ըսեր ինչ որ ինծի յայտնեցիր»: Ապա հարիւրապետներէն երկուքը կանչելով ըսաւ. «Երկու հարիւր հետեւակ, եօթանասուն հեծեալ եւ երկու հարիւր տիգաւոր զինուորներ թող պատրաստ ըլլան գիշերուան ժամը իննին դէպի Կեսարիա ճամբայ ելլելու: Պօղոսին համար ալ գրաստ պատրաստեցէք եւ զայն ապահով կերպով Ֆելիքս կառավարիչին հասցուցէք»: Նամակ մըն ալ գրեց, հետեւեալ բովանդակութեամբ.

«Կլօդիոս Լիսիասի կողմէ՝ նորին գերագնացութիւն Ֆելիքս կառավարիչին: Ողջո՛յն:

«Հրեաներ բոներ էին այս մարդը եւ զինք սպաննելու վրայ էին: Իմանալով որ հոռմայեցի է, վրայ հասայ եւ զինք ազատեցի: Ուզեցի գիտնալ թէ ի՛նչ յանցանքով կ'ամբաստանեն զինք. ուստի իրենց Ատեանը տարի զինք, եւ հասկցայ թէ իրենց Օրէնքին վերաբերող խնդրի մը համար կ'ամբաստանեն. այսինքն մահուան կամ բանտարկութեան արժանի յանցանք մը չունի: Բայց երբ ինծի իմացուցին թէ հրեաներ դաւ մը լարած են իր կեանքին դէմ, զայն իսկոյն քեզի ղրկեցի, հրամայելով որ ամբաստանողները քեզի՝ ներկայացնեն իրենց ըսելիքները: Ո՛ղջ եղիր»:

Հազարապետին հրամանին համաձայն, հետեւակ զինուորները առին Պօղոսը եւ գիշերով Անտիպատրիս փոխադրեցին, եւ յաջորդ օրը զայն իրենց ընկերացող հեծեալներուն յանձնելով, իրենք զօրանոց վերադարձան: Հեծեալները Կեսարիա հասան եւ նամակը կառավարիչին տալով Պօղոսն ալ անոր ներկայացուցին: Կառավարիչը նամակը կարդաց եւ Պօղոսին հարցուց թէ կայսրութեան ո՞ր նահանգէն է. եւ հասկնալէ ետք թէ Կիլիկիայէն է, ըսաւ. «Երբ որ քեզ ամբաստանողները գան՝ կը լսեմ քեզ»: Եւ հրամայեց որ զայն Հերովդէսի ապարանքին մէջ պահեն:

ԸՆԹԵՐՑՈՒՄ
ՅՈՎՀԱՆՆԷՍ ԱՌԱՔԵԱԼԻ
ԸՆԴՀԱՆՐԱԿԱՆ ԱՌԱՋԻՆ ՆԱՄԱԿԷՆ
(5.13-21)

Ասիկա գրեցի ձեզի, Աստուծոյ Որդիին
հաւատացողներուդ, որպէսզի գիտակցիք՝ թէ

...համարձակ
կերպով
կը դիմենք
Աստուծոյ,
այն
վստահու-
թեամբ,
որ երբ իր
կամքին
համաձայն
բան մը
խնդրենք՝ կը
լսէ մեզի:

յաւիտեանական կեանք ունիք:
Ուստի համարձակ կերպով
կը դիմենք Աստուծոյ, այն
վստահութեամբ, որ երբ
իր կամքին համաձայն
բան մը խնդրենք՝ կը լսէ
մեզի: Եւ երբ գիտենք թէ
մեր խնդրանքները կը լսէ,
գիտենք նաեւ թէ պիտի
ստանանք ինչ որ կը
խնդրենք իրմէ:

Երբ տեսնես, թէ հա-
ւատացեալներէն մին գործեց մեղք մը, որ
մահացու չէ, աղօթէ Աստուծոյ՝ որ կեանք տայ
անոր: Ասիկա կ'ըսեմ միայն անոնց համար, որոնց
մեղքերը մահացու չեն, որովհետեւ մահացու
մեղքեր ալ կան, որոնց համար չեմ ըսեր՝ որ
աղօթէք: Ամէն անիրաւութիւն մեղք է, բայց
ամէն մեղք մահացու չէ:

Գիտենք, թէ ով որ Աստուծմէ ծնած է՝ չի
մեղանչեր, այլ Աստուծոյ ծնունդը՝ Քրիստոս,
կը պահպանէ զայն եւ չարը անոր չի մօտենար:

Թէպէտ ամբողջ աշխարհը
չարին ենթակայ ըլլայ, մենք
գիտենք՝ թէ Աստուծմէ ենք:
Եւ գիտենք, թէ Աստուծոյ
Որդին եկաւ ու բացաւ
մեր միտքերը, որպէսզի
ճանչնանք ճշմարիտ
Աստուածը: Մենք միացած
ենք ճշմարիտ Աստուծոյ

Մենք
միացած ենք
նշմարիտ
Աստուծոյ
եւ անոր
Որդւոյն
Յիսուս
Քրիստոսի:

եւ անոր Որդւոյն Յիսուս Քրիստոսի: Ա՛ն
է ճշմարիտ Աստուածը եւ յաւիտեանական
կեանքը:

Որդեակներս, դուք ձեզ կուռքերէ հեռու

պահեցէք:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՅՈՎՀԱՆՆԷՍԻ
(12.12-23)

Յաջորդ օր ժողովուրդի մեծ բազմութիւն
մը, որ զատկի տօնին առիթով Երուսաղէմ
եկած էր, երբ լսեց թէ Յիսուս Երուսաղէմ կու
գայ, արմաւենիի ճիւղեր առաւ եւ Յիսուսը
դիմաւորելու ելաւ, բարձրաձայն աղաղակելով.

«Ովսանա՛,

օրհնեա՛լ ըլլայ ան որ կու գայ Տիրոջ
անունով, Իսրայէլի թագաւորը»:

Յիսուս էջ մը գտնելով նստաւ անոր վրայ,
ինչպէս որ Սուրբ Գիրքերուն մէջ գրուած է.

«Մի՛ վախնար, ո՛վ Երուսաղէմ, Սիոնի՛
աղջիկ, որովհետեւ թագաւորդ քեզի կու
գայ իշու մը աւանակին վրայ նստած»:

Յիսուսի աշակերտները այս բոլորը չհասկցան
ատենին, բայց երբ Յիսուս փառաւորուեցաւ՝
այն ատեն յիշեցին թէ այս կատարուածները
Յիսուսի համար գրուած էին եւ իրենք այդ
գրուածն էր որ կատարեցին: Բոլորն ալ կը
վկայէին թէ Յիսուս Ղազարոսը կանչեց
գերեզմանէն եւ զայն մեռելներէն յարուցանեց:
Այս իսկ պատճառով Երուսաղէմ գտնուողները
բոլորն ալ զինք դիմաւորելու ելան, որովհետեւ
լսած էին թէ ի՛նչպէս ան յարուածն հրաշքը
գործած էր: Իսկ փարիսեցիները իրարու կ'ըսէին.
«Կը տեսնէ՞ք որ բան մըն ալ չէք կրնար ընել.
ահա ամբողջ աշխարհը իրեն կը հետեւի»:

Տօնին առիթով կարգ մը յոյներ ալ եկած
էին Երուսաղէմ՝ Աստուծոյ երկրպագելու:
Անոնք մօտեցան Փիլիպպոսի, որ Գալիլեայի
Բեթսայիդա քաղաքէն էր, եւ աղաչելով ըսին.
«Տէ՛ր, կ'ուզենք Յիսուսը տեսնել»:

Փիլիպպոս,
եկաւ Անդրէասին ըսաւ եւ երկուքը միասին
Յիսուսի ներկայացուցին անոնց խնդրանքը:
Յիսուս պատասխանեց. «Ահա մարդու Որդիին
փառաւորուելու ժամը հասաւ»:



ՈՂՈՐՄՈՒԹԵԱՆ ԿԱՆՉ ՄԸ ԱՊՈԹՔԱՆԵՐ ԾԷԱԸԱԻԷՆ

ՀԵՂՐԵԱԿ՝ ՀԷՆՐԻ ՆՈՒԸՆ

Թարգմանութիւն՝ ԿԱՐՕ ՍՐԿ. ՆՈՒՈՒՄԵՆՆԵՐ

ՈՂՈՐՄՈՒԹԻՒՆԴ

Սիրելի Տէր, դուն արդարներուն անդրանկին ես: Դուն առաքինի կեանք ապրեցար: Քու պատճառովդ է որ երկնաւոր Հայրդ այս աշխարհի գոյութիւնը կը պահէ, եւ մեզի՝ մեղաւորներուն

Իր ողորմութիւնը ցոյց կու տայ: Ո՛վ եմ ես, Տէր, որ սէրդ, պաշտպանութիւնդ եւ ողորմութիւնդ ակնկալեմ: Ո՛վ եմ ես, որ արժանի ըլլամ տեղի մը՝ սրտիդ մէջ, տանդ մէջ, թագաւորութեանդ մէջ: Ո՛վ եմ ես, Տէր, որ յուսամ ներումիդ, բարեկամութեանդ, ողջագոյութեանդ: Դեռեւս այս է սպասումս, ակնկալութիւնս, նոյնիսկ՝ վստահութիւնս: Ոչ իմ արժանիքներուս համար, այլ միայն՝ անհուն ողորմութեանդ: Մեզի համար ապրեցար Աստուածահաճոյ կեանք մը: Ո՛վ Տէր, դուն ես Արդար, Օրինաւոր, Սիրելի, Առաքինի, Շնորհալի:

Կ'աղօթեմ որ Հայրդ, որ բոլորին Հայրն է եւ որ ստեղծեց ու կը պահէ զիս ամէն օր, նշաններդ տեսնէ մէջս եւ քու միջոցաւ ընդունի զիս: Օգնէ ինծի որ հետեւիմ քեզի, կեանքս կեանքիդ միացնելու եւ սիրոյդ հայելին դառնալու: Ամէն:

(Շարունակելի 8)

ՀԻՄՆԱԴԱՆԵՐՈՒՄ ԱյժԵԼՈՒԹԻՒՄ

Բարեհաճեցէք հեռաձայնել

Արժ. Տ. Գառնիկ

Ա. Բինյ. Գոյունեանի.

514 909 5203 թիւին:

ՀՈԳԵՀԱՆԳԱՏԵԱՆ
ՁԵՐ ԱՐՁԱՆԱԳՐՈՒԹԻՒՄԸՆԵՐՈՒ
ՆԱԽՕՐՕՔ ԿԱՏԱՐԵՅԷՔ ԿԱՊՈՒԵԼՈՎ
ԵԿԵՂԵՅԻՈՅ ԴԻԿՆԱՏՈՒՄ:

Սոյն թերթիւն ե-նամակով ստանալու
ՀԱՄԱՐ ՁԵՐ Ե-ՀԱՍՅԷՆ ՈՒՂԱՐԿԵՅԷՔ
eglise@sourphagop.net

ԹԵՐԹԻՒԿԻ ՆԱԽՈՐՈՂ ԹԻԲԵՐՈՒ
ԿՐԱՔ ԳՏԵԼ
www.sourphagop.net
ԿԱՅԲԷՁԻՆ ՎՐԱՅ

ՏՆՕՐՀՆԷՔ

Տնօրհնէք փափաքող

ընտանիքները,

թող բարեհաճին դիմել

Տ. Գառնիկ Ա. Բինյ. Գոյունեանի,

հեռաձայնելով

514 909 5203 թիւին:



ՀՈՎԱՆԱԽՈՐՈՒԹԵԱՄԲ
ԳԵՐԱՇՆՈՐՀ Տ. ԲԱԲԳԷՆ ԱՐՔ. ՉԱՐԵԱՆԻ
ԱՌԱՋՆՈՐԴ
ԳԱՆԱՏԱՅԻ ՀԱՅՈՑ ԹԵՄԻ

ԿԱԶՄԱԿԵՐՊՈՒԹԵԱՄԲ
ՔՐԻՍՏՈՆԷԱԿԱՆ ԴԱՍՏԻԱՐԱԿՈՒԹԵԱՆ ԽՈՐՀՈՒՐԴԻ

ՀԱՒԱՏՔ ԳՈՐԾԵՐՈՎ

ԵՐԻՏԱՍԱՐԴԱԿԱՆ ՀԱՄԱԽՄԲՈՒՄ

Wesley Acres Բանակավայր

1391 Wesley Acres Rd

Bloomfield, ON K0K 1G0

7 - 9 ՅՈՒՆԻՍ, 2019 | ՄԱՍՆԱԿՑՈՒԹԵԱՆ ՍԱԿ՝ \$100

ԱԶԳԱՅԻՆ ԱՌԱՋՆՈՐԴԱՐԱՆ: (514) 856-1200

ԼԱԽԱՆ: (450) 688-6795

ԹՈՐՈՆԹՕ: (416) 493-8122

ԳԷՄՊՐԻԺ: (647) 993-5407

ՎԱՆԳՈՒՎԸՐ: (604) 626-9627

ՄՈՆԹՐԷԱԼ: (514) 331-5445 X202

PRELACY@ARMENIANPRELACY.CA